



Broj predmeta: 13-001048/22
Broj akta: 01.1-1413EK-0030/22
Datum, 23.5.2022.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 70 stav (3) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-001048/22 od 23.5.2022. godine, i Mišljenja Pravobranilaštva Brčko distrikta BiH broj: M-628/22 od 23.5.2022. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1

(1) U provedenom otvorenom postupku za nabavku radova na izgradnji vodovodne mreže Brod – Brka za povezivanje na glavni vodovodni sistem za potrebe Kancelarije za upravljanje javnom imovinom Brčko distrikta BiH, izabran je najpovoljniji ponuđač.

a) Naziv najpovoljnijeg ponuđača je „ROADING“ d.o.o. Gračanica.

Vrijednost ugovora sa uračunatim PDV-om iznosi

409.020,81 KM.

Član 2

Postupak je proveden na osnovu Odluke o pokretanju postupka javne nabavke broj: 13-001048/22 broj akta: 16-1543DP-001/22 od 30.3. 2022. godine, Obavještenja o nabavci na portalu javnih nabavki broj: 1157-1-3-218-3-256/22 od 12.4.2022. godine, predmjera radova u vezi sa Tenderskom dokumentacijom broj: 13-001048/22 i ponuda ponuđača.

Član 3

Finansiranje navedene nabavke će se izvršiti iz kapitalnog budžeta 2021. godine, organizacioni kod 27010003; ekonomski kod 821200; naziv projekta: „Projektovanje i izgradnja vanjske komunalne i saobraćajne infrastrukture neophodne za funkcionisanje kompleksa Zone rada i industrije Brod“, šifra projekta: 11727.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno pet ponuda, sljedećih ponuđača: „Roading“ d.o.o. Gračanica, „Ted Invest“ d.o.o. Sarajevo, „Papilon“ d.o.o. Čelić, „Balegem“ d.o.o. Gradačac i Hidromont“ d.o.o. Srebrenik. Sastavni dio odluke čini zapisnik sa

otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Garancija za ozbiljnost ponude zahtijevana je u ovom postupku javne nabavke. Svi ponuđači koji su dostavili ponudu, osim ponuđača „Hidromont“ d.o.o. Srebrenik, su dostavili garanciju za ozbiljnost ponude u skladu sa zahtjevima iz tenderske dokumentacije. Ponuđač „Hidromont“ d.o.o. Srebrenik je dostavio garanciju za ozbiljnost ponude na način da ista nije na propisani način dostavljena.

Tačkom 5.1. tenderske dokumentacije definisano je sljedeće:

„Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za ozbiljnost ponude nije dostavljena na propisan način, ugovorni organ je obavezan takvu ponudu odbaciti.“

Članom 3 stav (1) i (3) Pravilnika o formi garancije za ozbiljnost ponude i izvršenja ugovora (Službeni list BiH broj 90/2014 od 18.11.2014. godine) definisano je također sljedeće:

Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti.

Tačkom 4.1 tenderske dokumentacije, a u vezi sa članom 8 stav (1) i (2) Uputstva za pripremu modela tenderske dokumentacije i ponuda (Službeni list BiH broj 90/2014 od 18.11.2014. godine), definisano je sljedeće:

“Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukorićena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude. U slučaju da ponuđač uveže ponudu na navedeni način uvez mora biti dodatno osiguran jamstvenikom.“

Komisija je prilikom analize ponude ponuđača „Hidromont“ d.o.o. Srebrenik, ustanovila da je ponuđač garanciju za ozbiljnost ponude dostavio na način da ista nije dostavljena na način da je uvezana u cjelinu i da čini sastavni dio ponude. Naime ponuđač je na ponudu koja je uvezana i osigurana jamstvenikom dodao garanciju za ozbiljnost ponude na način da ista nije sastavni dio te ponude, nije osigurana jamstvenikom zajedno sa ostatkom ponude, te kao takva nije uvezana u cjelinu i ne čini sastavni dio ponude. Garancija kao takva nesmetano se može zamijeniti, ukloniti, dodati, a što je u suprotnosti sa odredbama tačke 5.1 tenderske dokumentacije također.

Obzirom na navedene okolnosti, te isključivost odredbi tačke 5.1 tenderske dokumentacije i člana 3 stav (3) Pravilnika o formi garancije za ozbiljnost ponude i izvršenja ugovora (Službeni list BiH broj 90/2014 od 18.11.2014. godine), komisija daje preporuku da se navedena ponuda odbaci kao neprihvatljiva iz navedenog razloga. Garancija koja je dostavljena dostavljena je u potrebnom iznosu i sa zahtijevanim periodom važenja.

Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim u skladu sa članom 45 i 46 Zakona o javnim nabavkama. Stručni članovi komisije su izvršili analizu dostavljenih potvrda naručioca posla i referenc liste te izjava o angažovanom tehničkom osoblju te su ustanovili da su ponuđači „Roading“ d.o.o. Gračanica, „Balegem“ d.o.o. Gradačac i „Hidromont“ d.o.o. Srebrenik kvalifikovani u skladu sa zahtjevima iz tenderske dokumentacije. Komisija je prilikom analize ponuda ponuđača „Ted invest“ d.o.o. Sarajevo i „Papilon“ d.o.o. Čelić ustanovila da se iz dostavljenih potvrda naručioca posla može ustanoviti da navedeni ponuđači imaju zahtijevano uspješno iskustvo na izgradnji ili rekonstrukciji vodovodnih mreža, međutim, iz dostavljenih potvrda nije moguće sa sigurnošću utvrditi da li u sklopu navedenih poslova ponuđači imaju i zahtijevano uspješno iskustvo na izgradnji pumpnih stanica za vodosnabdijevanje pri čemu ukupna (zbirna) vrijednost ugovora kao dokaz o

uspješnom iskustvu na izgradnji pumpnih stanica za vodosnabdijevanje ne može biti manja od 30.000,00 KM bez PDV-a. Obzirom na navedeno, od ponuđača „Ted invest“ d.o.o. Sarajevo i „Papilon“ d.o.o. Čelić, u skladu sa članom 68. stav (3) Zakona o javnim nabavkama, traženo je pojašnjenje ponude, odnosno dostavljenih potvrda naručioca posla. Ponuđači „Ted invest“ d.o.o. Sarajevo i „Papilon“ d.o.o. Čelić su dostavili tražena pojašnjenja. Na osnovu dostavljenih pojašnjenja komisija je ocijenila i navedene ponuđače kao kvalifikovane ponuđače. Predmjeri radova i ugovori koji su dostavljeni kao sastavni dio dostavljenih pojašnjenja zbog obima nisu mogli biti sastavni dio ovog zapisnika, te se na zahtjev mogu dobiti na uvid. Kvalifikovani ponuđači su dostavili su ponudu u skladu sa zahtjevima iz predmjera radova.

Stručni članovi komisije su nakon izvršene računске kontrole ponuda ustanovili da su sve stavke predmjera radova ponuđene u svim ponudama. Komisija je također ustanovila, na osnovu izvještaja o obilasku terena koje je dostavilo Odjeljenje za komunalne poslove, da su svi ponuđači izvršili obavezni obilazak lokacije.

Stručni članovi komisije imenovani ispred Odjeljenja za komunalne poslove su odmah posle otvaranja ponuda preuzeli po jednu kopiju od svake ponude kako bi izvršili računsku kontrolu ponuda. Nakon izvršene računске kontrole, utvrđeno je da u ponudama ponuđača „Ted invest“ d.o.o. Sarajevo, „Balegem“ d.o.o. Gradačac i „Hidromont“ d.o.o. Srebrenik postoji računska greška. Od ponuđača „Ted invest“ d.o.o. Sarajevo i „Balegem“ d.o.o. Gradačac je tražena saglasnost za ispravke te su navedeni ponuđači potvrdili navedene ispravke. Od ponuđača „Hidromont“ d.o.o. Srebrenik nije tražena ispravka, s obzirom da ista nema smisla jer je ponuda navedenog ponuđača odbačena kao neprihvatljiva. Ponude ostalih ponuđača (cijene bez PDV-a) su računski ispravne. Komisija je razmotrila najpovoljniju ponudu sa aspekta mogućnosti da se radi o neprirodno niskoj cijeni ponude. Komisija je ustanovila da u skladu sa Zakonom i podzakonskim aktima ne postoje elementi za sumnju na neprirodno nisku cijenu najpovoljnije ponude. Dana 19.05.2022. godine komisija je završila proces ocjene kvalifikovanosti ponuđača i prihvatljivosti ponuda. Komisija je ustanovila da je dostavljeno dvije i više prihvatljivih ponuda, te se pristupilo zakazivanju e-aukcije. E-aukcija je zakazana za 23.05.2022. godine sa početkom u 09:00 časova. Navedena e-aukcija je okončana u 09:15 časova. U toku trajanja e-aukcije nije bilo promjena cijena. Komisija je ustanovila da vrijednost ponude najpovoljnijeg kvalifikovanog ponuđača u okviru procijenjene vrijednosti nabavke (350.000,00 KM), pa je Komisija za nabavke na osnovu kriterija najniže cijene dostavila preporuku o dodjeli ugovora.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Kancelariji za upravljanje javnom imovinom,
5. «Službenom glasniku Brčko distrikta BiH»,
6. Arhivi.

